



HE KETE MANARUA

TE HIRANGA TE AO HAKA

Te Rā Tuku Aromatawai ā-Waho: Te Wāhanga 4 - I mua i te 28 o Oketopa, 2026.

Te Whārangi Ihirangi

He Kete Manarua.....	3
The External Assessment Specifications	4
Te Hōputu o te Aromatawai ā-Waho	4
Te Wāhanga 1: Te Rangahau	4
Te Wāhanga 2: Te Titonga.....	5
Te Wāhanga 3: Te Whakaaturanga.....	5
Te tātari i te whai whakaaro o te Titonga me te Whakaaturanga	6
Aratohu mō te Kaiako	6
Ngā Herenga Aromatawai	7
Te Motuhēhē o ngā mahi o ngā ākogna.....	7
Te Tāpaetanga me te Hāponotanga.....	8
Te Mahere Aromatawai Ā-Waho 2026	9
Te Whakatau - Rangahau	11
Te Whakatau - Te Titonga.....	12
Te Whakatau - Te Whakaaturanga	13
Ngā Whakatau	13
Te Paerewa Paetae	14



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuatanga. Ko ngā taonga tuku iho ka kohikohia e te ākonga, ka tahi. Ka rua, ko te whakapiki i te mana motuhake o te ākonga, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Te uhi o mua:

Te Pā Tū. *Waiata (song) carries throughout the forest.* Instagram. https://www.instagram.com/p/DRNj3CAUG6/?utm_source=ig_web_copy_link. (19 Noema, 2025).

Ngā Tatuhinga Aromatawai Ā-Waho

Te Paerewa Paetae	93700
Te Tukanga Aromatawai ā-Waho	Kete Manarua
Ngā Momo Tāpaetanga ā-Matahiko	He kiriata – .mp4 .mov (<5GB)
Te Rā Tuku Aromatawai ā-Waho	I mua i te 28 Oketopa 2026

Te Hōputu o te Aromatawai ā-Waho

Mā te ākonga e tuku mai tētahi whakaeminga mahinga kua oti i a ia; he **Rangahau**, he **Titonga** me he **Whakaaturanga**, tae rā anō ki te **Tātari Whai Whakaaro** o te titonga me te whakaaturanga. Me whai taunakitanga hoki te whakaeminga mahinga mō te mahi a te ākonga hei kaitito, hei kaiwhakaatu hoki.

Ko te whakaeminga mahinga tētahi kohikohinga taunakitanga e tārake nei te kitenga, te mōhiotanga, te māramatanga hoki o te whakaaturanga, me ngā pūkenga hoki e hāngai ana ki te Paerewa Whakaaturanga o Te Hiranga Te Ao Haka.

Tāne-Rore/ Hine-Rēhia

Mā te ākonga e āta tō mai i ngā whakaaro me ngā mōhiotanga/āhuetanga o Tāne-Rore me Hine-Rēhia. Me āta whakatakoto i te rangahau, i te māramatanga e pā ana ki ngā tipua e rua nei, me kite hoki tērā i roto i tā te ākonga whakaaturanga; waihoki, kia āmiki tāna titonga kia kitea te aroā o te ākonga i āna mahinga.

Te Wāhanga 1: Te Rangahau

Mā te ākonga tētahi rangahau hōhonu mō tētahi wāhanga o Te Ao Haka e whakaputa, ā, ka tika te whakaputanga mā te whakahāngai i te rangahau me ngā tukanga ōkawa (tirohia te kuputaka o Te Ao Haka mō ngā wāhanga tukanga ōkawa tae atu ki: ngā āhuetanga matua, ngā huānga, te titonga, ngā wāhanga, te āhua, te taioro, engari kāore e herea anake ki aua āhuetanga) ([Te Ao Haka | NCEA \(education.govt.nz\)](#)).

Mā te ākonga e ako, e tō hoki te whakaaweawenga i ōna anō whānau, i ōna hapū, i ōna iwi hoki mā ngā kōrero tuku iho, mā ngā pūrākau me ngā whakapapa e āta kōrerohia ana i te orokohanga.

Ka tukuna e te ākonga āna rangahau ki tētahi tuinga, ki tētahi whakaaturanga ā-waha **RĀNEI**:

Te Tūmahi Tuatahi - He Tuinga

- **Te roanga:** kia kua e iti iho i te 500 kupu
- **Te taketake:** me tika te whakamana i ngā whakaaro o ētahi atu
- **Te mātāpuna:** me whakamana ngā mātāpuna e mātāmua ana, e mātāmuri ana hoki, tae atu ki ngā tohutoro, e ai ki ngā āhuratanga tohutoro ōkawa
- **Te whakaaturanga:** me whai te ākonga i ngā āhuratanga tika e mārāma ai te whakatakotoranga kupu, hei tauira: ngā upoko me ngā upoko iti, ngā kōwae, ngā tapanga tītaha – hei tohutoro
- **Te hōputu puka:** me whai nama ngā whārangi A4.

KIA PĒNEI RĀNEI

Te Tūmahi Tuarua - He Whakaaturanga ā-waha

- **Te roanga:** kia kua e iti iho i te 5 mēneti
- **Te taketake:** me tika te whakamana i ngā whakaaro a ētahi atu
- **Te mātāpuna:** me whakamana ngā mātāpuna e mātāmua ana, e mātāmuri ana hoki, tae atu ki ngā tohutoro, e ai ki ngā āhuratanga tohutoro ōkawa
- **Te kiriatatanga:** me whakaahua ki tētahi kāmera tū, me kounga hoki te oro, ki te taumata e taea ana, kia kua hoki ngā oro o waho atu e whakararu i ngā mahi.
- **Te hōputu kōnae:** MP4.

Te Wāhanga 2: Te Titonga

Mā te ākonga e tito tētahi momo nō te kaupapa i kōwhiria e ia mō te wāhanga rangahau o Te Ao Haka. Ka whakaaweawetia te titonga e te kōrero tuku iho, e te pūrākau, e te tirohanga ā-iwi, e te kōrero ā-kura, ā-whānau, ā-iwi rānei.

Me mātua whai wāhi atu te waihanganga me te whanaketanga o tētahi titonga hōu (ngā kupu, te whakatakotoranga puoro, me te nekehanga kanikani). Tirohia te kuputaka o Te Ao Haka mō te roanga atu o ngā kōrero ([Te Ao Haka | NCEA \(education.govt.nz\)](https://www.education.govt.nz/)) me ōna tukanga ōkawa. Kua tukuna e ia ngā tini tauira o te whanaketanga o te mahi, te waiwai o te whai whakaaro, me te tātāritanga.

Te Wāhanga 3: Te Whakaaturanga

Mā te ākonga e whakaatu tētahi momo titonga nō tētahi kaupapa i kōwhiria ai i te wāhanga rangahau o Te Ao Haka.

Me mātua whai wāhi atu:

- tētahi kiriata, atu i te 5 meneti te roa, o te whakaaturanga a te ākonga i te titonga hei takitahi e whakatairangatia nei, hei wāhanga mō tētahi mahinga, mō tētahi hōtaka mahinga rānei e hirahira ana, hei whakaaturanga ā-rōpū.

Me pēnei rawa te whakaaturanga:

- he kiriata kotahi kāore i wāwāhitia i whakaahuangia ai i tētahi kaupapa whakaaturanga.
- kia kua e roa ake i te 5 meneti (tae atu ki ngā whakamatuatanga i waenga i ngā mahi).
- kia tū ki tētahi wāhi e whakaata ana i ngā taumata me te kounga o Te Hiranga Te Ao Haka.
- kia mau kākahu e whakaata ana i ngā taumata me te kounga o Te Hiranga Te Ao Haka.
- me whakaahua ki te kāmera tū, waihoki, me kounga te oro ki te taumata e taea ana, kia kua hoki ngā oro o waho atu e whakararu i ngā mahi.

Te tātari i te whai whakaaro o te Titonga me te Whakaaturanga

He tātaritanga whai whakaaro nō te (ngā) mahinga kāore e iti iho i te 300 ngā kupu ā-tuhi, he whakaaturanga ā-waha **RĀNEI** kāore e roa ake i te 3 meneti, kei roto rā pea tētahi matapakinga o ngā āhuetanga e whai ake nei, engari kāore e herea anake ki ērā:

- te kōwhiringa o te momo wāhanga o Te Ao Haka;
- te titonga me te whakamahukitanga o ngā tuhinga, te tō ake i ngā kōrero me ngā pārongo i te whānau, i te hapū, i te kura me te iwi e whakaūngia ai te houtupu o ngā mahinga;
- te āhua o te whanaketanga me te whakatakotoranga o ngā whakaaro me ngā whakamahuki;
- te āhua o te whai whakaaro ki ngā huānga me ngā āhuetanga o te momo i te whakaritenga o te whakaaturanga;
- te āhua o tā te mahinga whakatinana i te whanaketanga o ngā pūkenga, i te tāera, i te ohia hoki/rānei o te kaitito;
- te āhua o te whai whakaaro ki ngā āhuetanga taketake o te titonga i te whakaritenga o te whakaaturanga (hei tauira, ngā kōrero tuku iho, ngā pūrākau, te tirohanga a te iwi, ngā kōrero ā- kura/ā-whānau/ā-iwi);
- he huritaonga matawhaiaro ki te mahinga.
- he aratakinga anō mā ngā kaiako.

Aratohu mō te Kaiako

Te Aromatawai ā-Waho

Ko ngā wāhanga e 3 o te Paerewa Whakaaturanga mō Te Hiranga i Te Ao Haka e aromatawaingia nei, ko:

- te whakahāngaitanga o te mātauranga me ngā pūkenga.
- te WHAKAATURANGA (te ihi, te wehi, me te wana).
- te tātari whai whakaaro.

E ōrite ana te mana o tēnā, o tēnā o ēnei, ā, e pai ana kia tōia ake te taunakitanga i ngā wāhanga katoa o te whakaeminga.

Me āta whakarite te kaiako kia hāngai te wāhi me ngā kākahu ki te taumata o Te Hiranga Te Ao Haka, kia kounga hoki te whakaaturanga e tukuna ai ki te Mana Tohu Mātauranga.

Ngā herenga mō te tukunga me te whakamanatanga.

Me tuku tuhinga hukihuki te ākonga hei whakaū i te houtupu.

Ngā Herenga Aromatawai

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei Tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Tīmerahia a assessment.service.centre@nzqa.govt.nz,
- waeahia rānei te NZQA Contact Centre i te 0800 687 296.

Te Mahere Aromatawai Ā-Waho 2026

Te Hiranga – Te Ao Haka (93700)

Ngā Wāhanga	Ngā Aho
Rangahau	Te reo o tōna ao
Titonga	Te reo o te ao titonga
Whakaaturanga	Te reo o te tinana

Te Reo (R)

Rangahau	<p>Te reo o te ākongā.</p> <ul style="list-style-type: none"> E mōhio ana te ākongā ki te whakatakoto i ōna whakaaro e ai ki te horopaki o te rangahau nei. E taunga ana te ākongā ki te whakapuare i ōna mōhioatanga, i ōna māramatanga anō e ai ki ōna wheako rangahau. E mōhio ana te ākongā ki te arohaehae kaupapa, kimi taunakitanga me te whakapuaki whakaaro motuhake, whakaaro kē hoki.
Titonga	<p>Te reo o tōna ao titonga.</p> <ul style="list-style-type: none"> E mārama ana te kite i ngā tikanga tuku iho o te tito waiata/haka nā ōna kaiako, nā ōna kaiārahi haka. E mōhio ana te ākongā ki te whakatakoto i tōna titonga e ai ki ōna mōhioatanga, e ai ki ōna wheako.
Whakaaturanga	<p>Te reo o te tinana.</p> <ul style="list-style-type: none"> E taunga ana te ākongā ki te whakaatu i te reo o te tinana e ai ki ōna wheako, e ai ki ōna mōhioatanga ki Te Ao Haka. E mōhio ana te ākongā ki te whakaatu i te reo o tōna ao haka. Ko te reo o tōna tinana te ātanga nō ōna kaiako, nō tōna whānau, nō ōna wheako haka, e kaha kitea ana.

Kōrero Tuku Iho (K)

Rangahau	<p>Ngā kōrero ā-iwi:</p> <ul style="list-style-type: none"> E wana ana te ākongā ki te rangahau i ngā kōrero ā-iwi/ ā-hapū/ ā-whānau/ ā-kura, ā, e kitea ana tēnei i roto i tana rangahau. E taunga ana te ākongā ki te whakapuare i ōna mōhioatanga, i ōna māramatanga anō ki ngā kōrero tuku iho hei taunakitanga mō tōna titonga. E mōhio ana te ākongā ki te whakatakoto taunakitanga nōna, nō tangata kē hoki.
-----------------	--

Kōrero Tuku Iho (K)

Titonga	<p>Tuhinga ā-iwi.</p> <ul style="list-style-type: none"> • E taunga ana te ākongā ki ngā momo kupu/ whakamahinga rerenga a tōna iwi/ hapū/ whānau/ kura anō hoki. E kitea ana tēnei i roto i tana titonga. • E autāia ana te whakamahi o ngā hanga kōrero, kīwaha, whakataukī, whakataukāki nō tōna iwi. • E mōhio ana te ākongā ki te arohaehae kaupapa, me te whakapuaki whakaaro motuhake, whakaaro kē hoki.
Whakaaturanga	<p>Tū ā-iwi.</p> <ul style="list-style-type: none"> • E taunga ana te ākongā ki te whakaatu i te momo tū ā-iwi/ ā-hapū/ ā-whānau/ ā-kura i roto i tana whakaaturanga. • E mōhio ana te ākongā ki te whakaatu i ngā āhuetanga tāpua o tōna iwi. • Ko te reo o tōna tinana te ātanga nō ōna kaiako, nō tōna whānau, nō ōna wheako haka, e kaha kitea ana.

Tikanga Aromatawai (T)

Rangahau	<p>Tikanga Rangahau.</p> <ul style="list-style-type: none"> • Ko te whakatakinga kōrero, ko ngā taunakitanga, ko ngā whakaaro o te ākongā/ o tangata kē, ko te raupapa rangahau e kitea ana. • E whai ana i ngā tohutohu kei te tautuhinga aromatawai rangahau (Tirohia te tautuhinga aromatawai rangahau kei te whārangi NZQA).
Titonga	<p>Tikanga Titonga.</p> <ul style="list-style-type: none"> • E mārama ana te ākongā i ngā tikanga titonga, tōna whakatakoto me tōna whakaraupapa. • E whai ana i ngā tohutohu kei te tautuhinga aromatawai titonga (Tirohia te tautuhinga aromatawai titonga kei te whārangi NZQA).
Whakaaturanga	<p>Tikanga Whakaaturanga.</p> <ul style="list-style-type: none"> • E mōhio ana te ākongā ki ngā tikanga whakaaturanga o te whakamātautau nei. • E whai ana i ngā tohutohu kei te tautuhinga aromatawai whakaaturanga. (Tirohia te tautuhinga aromatawai whakaaturanga kei te whārangi NZQA).

Te Whakatau - Rangahau

Rangahau / Ngā Whakawātanga	Ngā Māka
(R) E autaiā ana te whakamahi i te reo o tōna ao hei whakaū i tana mōhio, i tana mārama ki te horopaki o te rangahau.	7 – 8
(K) E taunga ana te whakatau i ngā kōrero tuku iho, i ngā kōrero ā-iwi, i ngā pūrākau hei whakaū i te māramatanga, i te mōhioatanga ōna ki te horopaki o tana rangahau.	7 – 8
(T) Kua whaia ngā tikanga rangahau ki tōna taumata tiketike. Ko te whakatakinga kōrero, ko ngā taunakitanga, ko ngā whakaaro o te ākongā/ o tangata kē, ko te raupapa rangahau e tino kitea ana.	7 – 8
(R) Kua maia te whakamahi i te reo o tōna ao ki te whakaraupapa i ngā kōrero. Kua maia hoki te karawhiu i ngā taunakitanga.	5 – 6
(K) Kua kaha te whakatakoto i ōna mōhioatanga, i ōna māramatanga anō ki ngā kōrero tuku iho.	5 – 6
(T) Kua maia te whai i ngā tikanga aromatawai mō te rangahau.	5 – 6
(R) Kua puta i te ākongā te reo o tōna ao i tana rangahau, ahakoa i ētehi wā e nanu ana te takoto mai o ngā kōrero, e hāngai tonu ana ōna whakaaro ki te aronga o te rangahau.	3 – 4
(K) Kua puta i te ākongā ētehi mōhioatanga mō ngā kōrero tuku iho o tōna iwi i roto i tana rangahau.	3 – 4
(T) Kua ngana ki te whai i ngā tohutohu kei te tautuhinga aromatawai rangahau.	3 – 4
Kāore anō kia whakaaro whānui ki tāna i rangahau ai. He nui ngā hapa, kāore hoki i tika te raupapa mai o tana rangahau.	2
Kāore he paku taunaki, kaore hoki he raupapa rangahau. Kāore he pātanga ki te kaupapa.	1
Karekau he hua, kaore hoki he rangahau.	0

Te Whakataau - Te Titonga

Te Titonga / Ngā Whakawātanga	Ngā Māka
(R) Kua mātau te ākonga ki te whakanikoniko i ōna whakaaro ki tana titonga waiata/haka. E mārama ana te kite i ngā tuku ihotanga o te tito waiata/haka nā tōna iwi, nā ōna kaiako, tumu haka anō hoki. He Māori te rere o ngā kupu me te rangi.	7 – 8
(K) E taunga ana te whakaū i ngā kōrero tuku iho: ngā hanga kōrero, ngā pūrākau, ngā kīwaha, whakatauākī, whakataukī, kupu ā-iwi nō tōna rohe, hei whakawhenua i tana titonga.	7 – 8
(T) Kua whaia ngā tikanga titonga ki tōna taumata tiketike, ko tōna whakatakoto, ko tōna whakaraupapa anō tērā. Kua autaia hoki tana whai i ngā tautuhinga aromatawai titonga.	7 – 8
(R) E mōhio ana te ākonga ki te whakatakoto i tōna titonga he ai ki ōna mōhioanga, he ai ki ōna wheako tito. Kua raweke te whakatakoto kupu, te whakataau rangi/taki anō hoki i roto i tana ao titonga.	5 – 6
(K) E autaia ana te whakamahi i ngā momo kōrero/ rerenga/ kupu nō tōna iwi hei whakataau māna i roto i tana ao titonga.	5 – 6
(T) Kua maia te whai i ngā tikanga aromatawai mō te titonga.	5 – 6
(R) Kua whakaputa whakaaro te ākonga tētehi waiata/haka i roto i tana ao titonga. Ahakoa kaore ngā kupu, te rangi rānei i wana, i eke, kei reira tonu e mau ana ko ngā tikanga o te titonga.	3 – 4
(K) Kua tāpaetia atu he paku kōrero ā-iwi hei kai mā tana titonga.	3 – 4
(T) Kua ngana ki te whai i ngā tohutohu kei te tautuhinga aromatawai titonga.	3 – 4
Kāore anō kia whakaaro whānui ki tāna i tito ai. He nui ngā hapa, kāore hoki i tika te raupapa mai.	2
Kāore he paku taunaki, kaore anō kia oti te tuhi i tana titonga.	1
Karekau he hua, kaore hoki he titonga.	0

Te Whakataau - Te Whakaaturanga

Te Whakaaturanga / Ngā Whakawātanga	Ngā Māka
(R) Ko te reo o tōna tinana he ātanga nō ōna kaiako, nō tōna whānau, nō ōna wheako haka anō hoki. Ko te reo whakaputa a te ringa, a te kanohi, a te ngākau, a te wairua kua eke ki te taumata.	7 – 8
(K) E taunga ana te ākonga ki te whakaatu i te momo tū ā-iwi/ ā-hapū/ ā-whānau/ ā-kura i roto i tana whakaaturanga. E mōhio ana te ākonga ki te whakaatu i ngā āhuetanga tāpua o tōna iwi. Ko te reo o tōna tinana te ātanga nō ōna kaiako, nō tōna whānau, nō ōna wheako haka, e kaha kitea ana tēnei.	7 – 8
(T) Kua autaiia te whai i ngā tikanga whakaaturanga ki tōna taumata tiketike, ko tana kawē, ko tana tū, ko tana waiata/haka kei tawhiti. Kua autaiia hoki tana whai i ngā tautuhinga aromatawai whakaaturanga.	7 – 8
(R) Kua maia te karawhiu i te reo o te tinana he ai ki ōna wheako, he ai hoki ki ōna mōhioanga ki Te Ao Haka.	5 – 6
(K) E taunga ana te ākonga ki te whakaatu i te momo tū ā-iwi/ ā-hapū/ ā-whānau/ ā-kura i roto i tana whakaaturanga. E maia hoki ana tana whakamahi i ngā āhuetanga ā iwi hei whakakōrero i tana titonga.	5 – 6
(T) Kua maia te whai i ngā tikanga aromatawai mō te whakaaturanga.	5 – 6
(R) Kua whakaatu te ākonga i te reo o te tinana he ai ki tōna ao haka.	3 – 4
(K) Kua whakaatu te ākonga i ētehi āhuetanga e hāngai ana ki te tū ā-iwi, ki te tū ā-kapa hoki.	3 – 4
(T) Kua ngana ki te whai i ngā tohutohu kei te tautuhinga aromatawai whakaaturanga.	3 – 4
Kāore anō kia whakaaro whānui ki tāna i whakaatu ai. He nui ngā hapa, kāore hoki i tika te karawhiu mai i tana whakaaturanga.	2
Kāore i te tino mōhio ki tana titonga, kaore hoki he wairua Māori tō te karawhiu.	1
Karekau he hua, kaore hoki i whakaatu i tana titonga.	0

Te Paerewa Paetae



TE TĀHUHU O TE MĀTAURANGA

Ministry of Education

Te Paerewa Hiranga o Te Ao Haka

He Kōrero mō te Hua

Mā te ākongā e rangahau ngā mātauranga i ahu mai i ngā tūpuna me ngā hītori, māna hoki ngā tikanga o Te Ao Haka e rangahau; kātahi ka whakaputa i te aroā ki te oro mā te titonga me te tū ki te whakaatu.

He Kōrero mō te Angitu i Te Hiranga

Mā te ākongā e whakaatu ngā āhuetanga taumata teitei o te:

- tātaritanga me te whakaaro arohaehae
- te pāhekoheko, te kōtuitui, me te whakamahinga o te mātauranga, te pūkenga me te māramatanga hōhonu, ki ngā horopaki pīroiroi
- te whanaketanga arorau, te hāngai pū, me te mārama o te whakaaro.

He Kōrero mō te Karamatamata o te Mahi

Hei āpiti hoki ki ngā kōrero mō ngā paearu o Te Hiranga, me whakaatu hoki te ākongā, me te toitū hoki o te whakaatu i:

- te aroā me te mōhiotanga
- te pāhekoheko marutuna me te tūrehurehu
- te whai whakaaro takitahi me te whakapaenga
- te whakawhitinga kōrero whaimana.

He Whakamahukitanga

- 1 He mea ahu tēnei Paerewa Paetae i *New Zealand Curriculum*, Learning Media, Te Tāhuhu o te Mātauranga, 2007, ā, e hāngai ana ki ngā whāinga o te Whakaaro Nui (Big Ideas) i te Taumata 8 o *Te Ao Haka Learning Matrix at Curriculum Levels 6, 7 and 8*. [<https://ncea.education.govt.nz/arts/te-ao-haka?view=learning>].
- 2 Ngā whakamāramatanga motuhake ā-kaupapa:
 - E hāngai ana *te hua o Te Ao Haka* ki tētahi whakaeminga mahinga e whakaatu ana i te wheako ākongā mā te akoranga ōkawa.
 - E tae rā anō ana pea te *tātari me te whakaaro arohaehae* ki:
 - te tau o te mōhiotanga ki ngā toi o Te Ao Haka
 - te tau o te mōhiotanga ki ngā pūkenga o te whakaaturanga
 - te tau o te mōhiotanga ki ngā pūkenga titonga me ngā tukanga
 - te tau o te mōhiotanga ki ngā huānga me ngā āhuetanga o Te Ao Haka
 - te tau o te mōhiotanga ki ngā momo whakaaturanga me ōna āhuetanga
 - te tau o te mōhiotanga ki ngā momo tū, me ngā pūkenga
 - E hāngai ana *te pāhekoheko, te kōtuitui me te whakamahinga o te mātauranga hōhonu, ngā pūkenga, me te mārama o ngā tūāhuetanga pīroiroi* ki te hua o Te Ao Haka e tae rā anō ana ki te akoranga o tētahi kaupapa kua kōwhiria, tētahi titonga, me tētahi whakaaturanga (kua āpiti hoki ngā rangahau ā-kaupapa) e rite tonu nei te whakaatu i te tau o te māramatanga, te hōhonu o te tātaritanga, te tau hoki/rānei o te pūkenga whakaaturanga.

- E hāngai ana te *whanaketanga arorau, te tika, me te mārama o ngā whakaaro* ki te whakamāori o tētahi hua o Te Ao Haka, te waihanganga o tētahi titonga Te Ao Haka, me te whakaaturanga o (t)ērā titonga Te Ao Haka.
 - E hāngai ana te *pāhekoheko marutunga, me te tūrehurehu* ki te tau o te mōhiotanga, ngā pūkenga, me te mārama ki Te Ao Haka, e tae rā anō ana pea ki:
 - te tātari o te titonga, ngā wāhanga hoki/rānei o Te Ao Haka (ngā huānga me ngā āhuatanga)
 - te tātari o Te Ao Haka (ngā horopaki)
 - te whakaaturanga o tētahi, o ētahi titonga
 - te waihanganga o ngā titonga hōu
 - te waihanganga o ngā rangi mō ngā titonga hōu
 - te waihanganga o ngā nekehanga mō ngā titonga hōu
 - E tae rā anō ana te *whai whakaaro takitahi, me te whakapaenga* ki:
 - te tārake o te mārama ki ngā horopaki o Te Ao Haka
 - te tau o ngā pūkenga tātari, ngā pūkenga ā-nekehanga, ngā pūkenga whakaaturanga rānei
 - te tātari e hono nei ki ngā āhuatanga whakaputanga o whakaaturanga Te Ao Haka
 - te taunakitanga mō tā te ākongā taea te rongo ā-roto i te (ngā) waihanganga, te momo rānei
 - te tātari e tūhono ana ki ngā tākupu aromātai
 - te whakamahinga o te taunakitanga hāngai e whakaatu i te hōhono o te māramatanga.
 - E tae rā anō ana te *kōrerorero whakapakepake* ki:
 - te kōonga o te tāera me te rangaranga o te whakaaturanga, te uruparenga rānei
 - te kōrerorero mō te māramatanga whaihua, ahurei hoki, te whakatinanatanga hoki/rānei
 - te mārama, me te hāngai o ngā hononga ina whai take ana
 - te whakapuakitanga mārama o ngā mātāpono, ngā āhuatanga matua me ngā huānga o Te Ao Haka mā te whakaaturanga – kia kōonga ake te tū ā-ihi, ā-wehi, ā-wana
 - te kōonga o te whakaatu i ngā āhuatanga motuhake, me ngā āhuatanga whakapuakitanga e hāngai pū ana ki te whakaaturanga a te tāne/wahine - kia whakarewa ake i te ira tāne me te ira wahine, arā, te tū a te wahine me te tū a te tāne, ki tōna karamatamata i Te Hiranga o Te Ao Haka.
- 3 Me pānui tahi tēnei paerewa me ngā [Tautuhinga Aromatawai](#) mō te paerewa, e taea nei te whai mā te whārangi Kaupapa ki te paetukutuku a NZQA.
- 4 He mea whakahaere ngā aromatawaitanga o te paerewa nei e ngā [Ture me ngā Whakaritenga mō ngā Kura Tuarua](#), e taea nei te whai ki te paetukutuku a NZQA.

